

plan, Sanoë Plansoe, ag nesisitjig oentjo mitjoatjijig, ag pigoelgig mimatjoi-nog gisgog gemnieoltijig.

Gisi maltigleimgeg gisi malieoitjig Tjô Taplin ag Malian Piel.

Tjon 15—Saimen Plansoe gisi ntois-geotôg omagamigem, ag oig oentjigoôm ag tapogol laglansel, ag pongatg ansema tan lno otang eli atjasit pogosm-geg epegoitg, gis tjel eltatjig meset ontjang, gato otoem me menag elmala-goi tesipdol ag ontjitiamo neoitjig; Misael Tomes telgig pegoatelg.

Tjon 20 — Maoi gelolg teli gisitotij nemetjogotijig nesotatitji gisna nanotatitji poeso, 80 sentel telaotitjig poeso. P. L. P.

San Lamoli maltjeoetj notji ginamoet eli setaneois Listogotjig. Ngotei Piel Lapôp; negem etog pgitgatteo.

NATOAGNEGEOEI agnotemagn-tijitj.—Lno sagmao Piel Tanas ag ogetepitei oetji mitogoetjig Sentang gep-peg loigeneg tesogoniteg set. tepg., ag Lemi Anao sagoei notji ntoôoino, ag gisigoisg Sotig teloisit gisigoag Toma Panapeôg oigmatjel lnoi sagmaoipenag saga, ag Mili Aita Anao asogôm tesiponat na tesitjig natoagneg oetjitatjig api npisoltitjiga, gato môngoe pel agnotemoloeg tan teli gisi npisoltieg glapis ap gtegel solnaltijtel igaga. Tôgo thlisip neogtetjit tjinem pigôpg oetjiet teloisit Noel San Agostin, ag neogtetjit tjinem oetjiet tet eli papgeg tlei onamagig gigtjio. Tôgo thlisip tapositjig epitjig oetjatitjig listogotjga Mali Atjig lnoi sagmaogetep gesg oigmatja oelelitega Isagôga, ag Mali Misael gisigo Piel Gle oigmatjel. Na tesieg migmaoieg oetjitaieg Sentanga. Sagmao maoi paglaig ag oelitasit tan teli gelolg amsgoes negm nemitôg, ag teloet, nôgmatot etamolôg me gtatji pogoelneno natji mitogotigo panianog Nisgam ignemoig petaosoltigoa apisgino migmaoigo oesami olmetôg sapeoit gogomitjino Sentana. NIN ARTJ.

Tetli malieoipenig natoagneg Misel

Matieo ag Mali Ann Malsan, 2 teset. tepg.

GTJIPOGTOSG ag Set Antoen — oetjategemg tjon 15 tes. glapis set. 5 tes.—ngotei pa oitjei emg-l negotone-misôg oagla osgitjinog, oellogotitjig, tan pa oen teli ntaoagatôg na tellogoet, gionagatj eta igatagotitjig. Na nige getjigao Taniel Noel pegising 3 it ola tepg. aplogoet oetjiet palteligenga ag lôg oeli pgisitôg na tan pegisingep elogoatg otigataganem mo igateget ag nemageget. Sgemtog tapositjig tjinemog oetjitetij otlogôoagneoôoa Piel Selôm ag Loi Palao, pitgematemitijel ag sigoatotitjel plasôlgotjela, tôgo totjio oelago gagi logoetitjig na sasigoetjig, na teli gisagnotematjig

Sgemtog Set Antoen oetjategemg ola tet me mo neogtisagagtenog maila; natel eimotitjig nesisgel oigoôm el gigtjio gaotgoagmigtog. neogte sagmao Piel Noel Glôt oig, neogte Piel Sôsop Pelnal oig. neogte Tjan Tjali oig ag Agostin Pelnal, negmô nogo oeli gisi totitj tan teli litotitj potalieoel, natel eimotitjig tali pgitjeg, getantotitj tan teli ilatjigtoatag Setanal, meta nogo mo amasig, amotj na ilpisolititag thia nogo geneg imititj, ag eta pasg gesi pogog-tjeoitjoltitjig gaotgag tan tet tami eimiti j, tjel oen gigtjipogoasitj gisna gigtjipasitj gaotgol amotj pa ontji gisna tami seg na ogosgijigoet pogogeoitj tjel nogo logoagnaloeg no-goaltogôsimg ag iligoatemeg lippenigen potalieoel otaotin, na nôg aotigel ne-toisgemag pa oijeï oapos oenagtjatjela-
NA NAMSET PELA.

OEGOGMAG — 21 tes. tjonôg — Pagsima Pasg ag Plisit Sag oetjiatise-nel pilel elpatotjijte Li-alala. Ngotei 22 tes. Gapiel Silipai ag Aliet Malsan epitetijtel. Gitg sigentasiteg 27 tes.

PIGOP — Legsi Pigiêlôg otjel teli oigigelitjel: Notjinen, nitjanag nep-gag tjô 19 tes. negla oetjiepönag; el mieneg, tôgo ag-ntieoimgeg notjinen patlias pegisingep, Legsiôg teloetag no